

خبرنامه محاکمه

نومرو ۱ صفر سنه ۱۲۹۰ بازار ایرتسی نisan رومی سنه ۱۲۸۹ صفحه ۱

- اشوغزته ایلروده هفته ده ایکی دفعه چیقارلق اوزره شمدیلک بهر هفته بازار ایرتسی کونلری چیقار ○
- سنه لکی بر عثمانلی یوزلک التوننه و بهر نسخه سی شمدیلک ایکشر غروشه اوله رق هر یرده صاتیلور ○
- سنه لکنه مشتری اولق استیالر مکتب صنایع مدیر لکنه مراجعت ایتلیدر ○

○ مقدمه ○

هر کس حقنه راضی اولسه عالمده دعوی وزاع قلمز وانسان ایچون حاکم محکمه یه احتیاج اولمزدی . لکن انسان حرص و طمع و عجب و غضب کبی برچوق خصائل نفسانیله مفظور اولدیغندن بین البشر محاکمه و محاصمه طبیعی الوقوعدر .

ایکی خصمدن هر بری مدعا سنده یا کندی بی حقی زعم ایدر و یا خود حقی اولدیغنی یلدیکی حالدله خصائل نفسانیله سی سوقیله خصمنه غلبه طریقی بولغه چالشور . بر ضعیفی بر قوی ضرب یا مالی غصب ایتسه بالنفس مقابله دن عاجز اولان ضعیف نه یا پسون ا بر عاجزه نك زوجنی بر ظالم جرح و یا قتل ایتسه بالذات استیفای حقه اقتداری اولیان قادین نه ایشلسون !

بو حالدله خصمینک ایکسیندنده اقوی بر قوت عالیه و غالبه لازمدر که انک حکم و قراری وقوت و اقتداری ایله مظلومک حقی ظالمدن النسون واستیفای حقوقده ضعیف وقوی مساوی

اولسون . اشته حکومت و حاکم و محکمه و نظام و قانون و عدالت هب بو اساسدن چقمشدر .

ابتدای خلقت بنی آدمده یر یوزی یالکز اوج شخصه اقامتگاه ایکن بیله دعوی و محاکمه و حکومت ظهوره کلدی هابل و قابلك حضور حضرت آدمده محاکمیزی معلومدر . فقط جمعیت بشریه نك و بالاستیزام اصول مدنیتك ترقی و تأسیس یله منازعات واقعنه نك بر قاعده مضبوطه و عادله دأره سنده فصلنه لزوم کورینه رك جهانك هر اقلیمده نیجه شریعتلر نیجه قانونلر و بونلرک محافظه سیله اجرای احکامی مقصدیله شکل کونا کونده نیجه حکومتلر تأسس و تشکل ایتمش وقفنی شریعت و حکومت اساساً عدل و حقانیتنه زیاده مقارنت ایتدی ایسه انک سایه حکمنده مستظل اولان اقوام اك زیاده حضور و آرام ایله امرار عمر و ایام ایتشلسردر . بوندن ثابت اولور که هر حکومت و دولتک مبنی علیهی قضیه حکم و عدالت و هر قومک سعادت و سلامتنه انجق تابع اولدیغنی حکومت عادله واسطه واکتدر .



بر قومك حقوق ندرجه تحت امنیتده بولنورسه طریق ترقی وسعادته اونستله ایلرولیه جکندن وهر دولتک قوت و شان وشوکتی دخی زیر حکمنده بولنان اهالی وتبعه نك بولندیغی حال حضور وسعادته موازنه ایدیه جکندن بر دولتک قوام حیاتی ایچون امورمالیه ومعارف کبی تعداد اولنان اسباب اساسیه صره سنده احکام عدلیه برنجی درجه ده صایغه شایندر . حقوقک امنیتی ایسه حکومت عادلانه اجرای احکام قوانین موضوعه ده مشهود اولان ثبت واقدا میله محاکمات ومعاملات نظامیه نك علانیه وابسته اولوب تنظیمات خیریه اصول محاسن شمولک اساسی دخی بومقصد مهمه مبتنی اولدیغندن وجناب حق عمر وشوکت واجلالی روز افزون بیورسون ولی نعمت بینتمز نسخه کبرای عدالت ومرحمت پادشاهمز افندمز حضرتلرینک اقضای هممات ملوکانه زری جمله تبعه وزیر دستانک بلااستثنا نائل نعمت عدل و داد اولسی ومحاکم مؤسسه ده قوانین ونظامات موضوعه اوزره هرکسک استیفای حقوق مشروعه ایلیسی اسبابنک استکمانه معطوف اوله رق تشکیل بیوریلان محاکم نظامیه ده جریان ایدن مرافعات ومحاکمات اگرچه حسب النظام صورت علنیه ده اجرا اولتمده ایسه ده بونلرده ویریلان حکم وقرارک دخی بر واسطه نشریه ایله پیش نظر عامه یه قونلسی بر قاندها امنیت واعتمادی موجب اوله جغندن احکام عدلیه نظارت جلاله سنک تحت تدقیق واداره سنده اوله رق اشبو غزته نك طبع ونشرینه اراده سنیه جناب پادشاهی متعلق وشرفسنوح وصدور بیورلشدر

تمیز حقوق دائره سندن ویریلان اعلام

صورتیدر

موصل تجارندن نعمان ایله موصللی یحیی بک بیننده اولان دعوا یه دائر دیوان استینافک ۹ ربیع الاخر ۸۹ تاریخله ویردیکی اعلامک تمیزینی مستدعی نعمانک وکیلی اوخانس مازدیروسیان طرفندن اعطا اولنان ۲۹ ربیع الاخر ۸۹ تاریخلی استدعا تمیز حقوق دائره سنه حواله قلمغله طرفینک لایحه زیله برابر مطالعه اولندی تمیزی استدعا اولنان اعلامک خلاصه مندرجاتی

مومی الیه یحیی بک موصل مال صندیغندن مطلوبی اولان اوتوز بش بیک درتیوز سکر غروشک سنداتنی نعمانه تسلیم و طرفندن مرقومی توکیل ایلدیکی ومبلغ مز بورک کاملاً تحصیل اولندیغی بیانیله مطلوبنک مع فائض ومصارف تحصیلنی دعوی ایتش ومدعی علیه نعمانک وکیلی اوخانس دخی مومی الیه یحیی بک مبلغ مز بوری استیفایه نعمانک برادری چرچسی توکیل ایدوب فقط نعمانک مهریله مخوم مقاوله نامه موجبجه چرچیس امضاسیله هر نه زمان بر ورقه کتوریلور ایسه حاوی اولدیغی اقچه نك تأدییه اوله جغنی وچرچیسک اشعاری ایجابجه یحیی بکک بعض محلله حواله ایلدیکی اقچه ایفا اولدقدنصرکه درت بیک کسور غروش الاجنی قالوب یوزده یکر می قومیس یون دخی محسوب اولنور ایسه چرچیسک یحیی بکده اله جغنی ظهور ایدیه جکنی ومع مافیه یحیی بکک فقر حالی جهته مؤکلی ایکی بیک بشیوز غروش ویره رک دعوانک صلحاً فصلنه حاضر بولندیغی بیان ایتش ایسه ده مبلغ مز بورک تحصیل اصل وکیل نعمان ایدوکی وکاملاً تحصیل اولنوب التی یوز غروش اقچه فرق دخی اولدیغی یحیی بکک تکلیف ایلدیکی یمینی قبول ایتماسیله ونعمانک مقدا ویرمش اولدیغی لایحه سنده اعتراف و بیان ایلمسیه ثابت اولمش اولدیغندن ومبلغ مز بوره مقابل نقدا وحواله ایفا اولدیغی ادعا اولنان مبالغه دائر ابراز اولنان سندات واوراقدن مومی الیه یحیی بک سکر بیک یوز غروشی شامل اولان اوچ قطعه سیله نقدا تسلیم ایدیلان درتیوز غروشی قطعاً ویکرمی بریک یدییوز التمش طقوز غروشی حاوی بولنان طقوز قطعه سندن وورقه نك دخی هر قغیسنه دائر مکرر سند ظهور ایدرایسه اعتبار اولنماق اوزره محسوبنه راضی اولدیغنی واعشار بورچندن طولای مال صندیغندن توقیف اولدیغنی خصمی طرفندن

درمیان ایدیلان بیک قرق یچق غروشک نقصان مقدار اوزره موقوفیتی مؤخرأ تین ایدر ایسه اوست طرفی تحصیل اولنمق شرطیله مبلغ مز بوری دخی قبول ایتدیکنی بیان ایله التیوز اوج غروشی متضمن اوج قطعه سندی وقومیس یونی قبول ایتیه جکنی درمیان ایتش ایسه ده ۲۱ ذی الحجه ۲۸۶ تاریخلی مکتوبی موجبجه سلیمان نام کسنیه بر مقدار اقچه حواله ویره رک مذکور اوج قطعه سند دخی سلیمانک امضاسیله ممضی اولسیله مبلغ مز بورک مکتوب مذکوره استناداً ویرمش اولدیغی کبی بین التجار بو مقوله حواله یی تحصیل ایدلره بر مقدار قومیس یون ویرمک قاعده جاریه و مرعیدن اوله رق بناء علیه مبلغ مبعوث عنهدن طولای یوزده اوج قومیس یون اعطاسی اکثریت ارا ایله تسبیب ایدمش اولدیغندن ذکر اولنان اوج قلم تسلیمات ایله موصل مال صندیغنده توقیف اولان بیک قرق غروش یکر می پاره و برمنوال محرر حساب ایدیلان طقوز یوز اوتوز بر غروش قومیس یونه حواله بدایله اقچه فرق اولان التیوز غروشدن بالتزیل متباقی اوچبیک یوز التمش درت یچق غروشک سکسان سکر سنه سی حزیرانک اون بشنه دکن یکر می بر یچق ایلنق فائض واللی غروش جزای نقدی ایله نعمانکدن بالتحصیل یحیی بکک اعطاسنه ودعوی مصارفنک طرفیندن اخذ ایدلمسنه ووقتیله ایقای دین اولتمز ایسه رأس المال اولان اوچبیک شوقدر غروشه بشقه جه فائض یوریدلمسنه قرار ویرلدیکنی میندر

لایحه اعتراضیه نك مآلی دخی یحیی بکک چرچسی وکیل ایلدیکی وکالت سندی ومیر مومی الهک محرراتی مندرجاتیله متحقق ایکن دیوان استینافجه نعمانه وکیل نظریله باقلدیغنی واقعه فرق دینیلان التی یوز غروشک اساسی اولدیغنی و ابراز اولنان اورا قک جزای تقدیسی محایجه ایفا اولنمشیکن بتکرار

نعماندن التي يوز اتوز بر غروش جزای نقدی
التمش وبومثلو جزای نقدی طرفینه عائد اولدیلر
بولنديخی نظامنه توفیق لازمه دن بولتمش اولديغی
ودیوان استینافجه یایلان حسابده بش قطعه
مکتوب درت قطعه کوستریله رک بوجهته ایکی یوز
غروش سهو وقوعبولديغی وچرچیس یوزده یکریمی
قومیسون دعوی ایتکده اولديغی ودیوان استینافجه
تسبب اولنان یوزده اوچ قومیسونک مجموعی بیک
اللی غروش ایکن بولنديخی سهوا طقوز یوز
اتوز برغروش کوستریش ایدوکنی وبرده پاره ک
تحصیلی ضمننده درت بیک غروشه قریب
مصارف وقوعبولديغی مبیدر

جواب لایحه سنک نتیجه مدلولی دخی نعمانک وکیلی
اولديغی درجه اولیده یمیندن وقوع استنکافیه
متحقق بولنديغی ومرقوم وکالتی بلاعوض قبول
ایتش ومؤخرأ دخی قومیسونجیلیق نامیله بر مقدار
اقچه المش ایکن ینه اصرار ایدرک لایحه اعتراضیه
منطوقی وجهله ادعاده بولتمشی محض کندوی
اضرار مقصدینه مبتنی ایدوکی افاداتنی متضمندر

طرفین ۱۷ ذی الحجه سنه ۸۹ تاریخده بر قاعده
دائرة جلب واستجواب ایدلده هربری لایحه سنده
مندرج مقالاتنی تکرار فقط وکیل مرقوم لایحه
اعتراضیه سنده کی مصرف دعواسنی دیوان استینافه
ویرمش اولديغی لایحه ده دخی اتیان ایلدیکنی
علاوة تذکار ایتشد

کیفیت لدی المذاکره مدعی نعمانک وکیلی مرقوم
اوخانسک لایحه سنده محرر اعتراضاتندن برنجی
وایکنجیسی یحیی بکک وکیلی چرچیس بولنديغی
واقچه فرقی دینیلان التي یوز غروشک اصلی اولديغی
خصوصاتی ایسه ده بونلردن طولای یحیی بکک
درجه اولیده تکلیف ایلدیکی یمیندن نعمانک استنکاف
ایتش اولسنه مبنی مذکور برنجی وایکنجی اعتراضک
تدقیقه محل قالماش واونجی ووزدنجی اعتراضلری

اراز اولنان اوراقک محلیه جزای نقدیسی ویرمش
ایکن بتکرار دیوان استینافدن جزای نقدی اولديغی
وبو خصوصدن طولای چرچیسک یوزده یکریمی
قومیسون مطالبه ایتکده بولنديغی فقراتی اولوب
محلیه اولیه جزای نقدی ویرلدیکی اوراق رسمیه ایله
اثبات اولنديغی تقدیرده دیوان استینافدن الثان
جزای نقدی بی کیرو المغه نعمانک حتی اوله یغندن
ویحیی بکک وکیلی اولديغی درجه اولیده
یمیندن استنکافیه متحقق اولسلیه چرچیسک دعوی
ایتکده اولديغی یوزده یکریمی قومیسونک یحیی
بکک جهت تعلقی اوله میه یغندن اشبو اونجی
ودردنجی اعتراضلر دخی نقضی موجب اسباب
قانونیه دن کوریلهماش اولديغی کی دیوان استینافجه
یایلان حسابده بش قطعه مکتوب درت قطعه
کوستریله رک بوجهته ایکی یوز غروش سهو
وقوعبولديغی واجرت تحصیلیه نک مجموعی بیک شوقدر
غروش ایکن سهوا طقوز یوز اتوز بر غروش
کوسترلیکنه دأر اولان بشنجی والتنجی اعتراض
دخی سهو حسابدن عبارت اولوب اسباب نقضیه دن
اولمامله برابر اولیه برسهو وارایسه تصحیح اولتمی
اوزره اعلام مزبور تجارت نظارت جلیله سنه
کوندریله رک جواباً وار اولان دیوان استیناف
مذکره سنده ۵ ربیع الآخر سنه ۸۷ تاریخی
ایکی یوز غروشلق بر قطعه سند بدلک اعلامک
فقره حسابیه سنه علاوه اولنديغی وقومیسون
مجموع حواله اوزرینه یوریدیوب تحصیل قلنان
مبالغ ایچون حساب ایدلش اولديغدن بونک نقصانی
اولديغی کوستریله رک بوااعتراضلرکدن حکمی قالماش
ودرت بیک غروشه قریب مصرف وقوعبولديغی
ادعاسنک دیوان استینافده کی لایحه ده مندرج اولديغنه
متدأر اولان یدنجی اعتراضک تدقیقی ضمننده لایحه
مذکوره دخی جلب ومطالعه اولندقدده ادعا اولنديغی
کی درت بیک غروشه قریب مصرف وقوعنه دأر

قطعا اشارت بولنديغندن بوااعتراض دخی بی اساس
کورنمش اولسلیه اعلام مزبور بالتصديق حکمنک
اجراسنه وبرمنوال محرر علاوه ایدلش اولان ایکی یوز
غروشک اجرا جعیتنده اولان اعلامه علاوه ایدلسنه
وبرده مرقوم نعمانک دیوان استینافه اراز ایدوب
میرمومی الیهک قبول ایلدیکی بر طاقم سندانک
نسبتندن دون ورقیه یازلش اولقدنثانی التي یوز
غروش جزای نقدی اولديغی منقهم اولمش وبو
مقوله جزای نقدی طرفین مخاصمینه مناصفه عائد
بولتمش اولديغندن مارالذکر جزای نقدینک مجموعی
نعماندن التمش ایسه دیوان استیناف اعلامی حکمنک
حین اجراسنده یحیی بکک عائد اولان نصف جزای
نقدی مذکورک دخی جمعیت مذکوره جه محسوب
قلنوب یحیی بکک دخی اشبو سندادتن آخر
امضاسیله محض بولنانلرک جزای نقدی حصه سی
ایچون امضاصاحبلرینه مراجعه صلاحیتی اولسنه
واعلام وتبلغ خرجی اولان اتوز التي غروش
اون بش پاره ایله اوچ عدد بیاض مجیدیه نک
نعمانه مراجعه ایتک اوزره یحیی بکک النمسنه
قرار ویریلرک کیفیت طرفینه تفهیم اولندی

محاکمات جزایه دائرة سندن ویریلان مضبطه
صورتیدر

خمس سنجاغنده واقع ظلمین قضاسنه تابع جمعه
قریه سی ساکنلردن اولوب قلب اقچه ضرب
واستعمال ایتش اولان فقیه علی بن بارکه شوشا
حقنده اجرا قلنان تحقیقات نظامیه ده دأر
طرابلس غرب ولایتک دیوان احکام عدلیه ده
حواله ییوریلان ۱۵ ربیع الآخر ۸۹ تاریخی
واوج نومرولی تحریراتیه دیوان تمیز ولایتدن
مصدق مجلس تمیز لوا ومجلس قضانک عربی العبارة
مضبطه لری واستنطاقنامه وترجه لری قلب اقچه
وآلات واذواتک برصندوخه موضوعاً کوندرلیکنه

دأر ولایت مشار الیهانک دیگر تحریراتیه برابر
محاکمات جزایه دائرة سنده مطامه اولندی
اوراق مرقومه مندرجاتنده مرقوم فقیه صلینک
خانه سنده قلب اقچه ضرب واستعمال ایلدیکی
استخبار اولتمشی وخانه سی تحریر اولندقدده الات
واجزا وقلب التلیق وبشلك ونحاس قرق پاره ک
ایله تونس ریالی وباقر پارچه لری ظهور ایتسی
اوزرینه تدقیقات استنطاقیه لدی الابتدار مرقوم
فقیه علی محمد بن علی الجنی وعبدالقادر الاسود نام
کسنه لایله برابر قلب سکه اعمال ایلدکلرینی اقرار
ایلدیکی حالد مرقومان محمد بن علی الجنی وعبد
القادر بوبابده مدخللرینی وفقیه علینک خانه سنه
کلوب کتدکلرینی انکار ایتلری اوزرینه مرقوم
فقیه علی تحویل لسانله مرقومان محمد بن علی الجنی
وعبد القادر ایله ذاتاً معارفه سی اولديغی حالد
برکون کندوسنه کلرک علاج اعمال ایتک اوزره
کندو خانه سنده واقع مخزنک کندوزینه ایجارینه
طالب اولدقلردن کندوسیدخی مذکور مخزن
یکریمی غروشه بونلره ایجار ایلش اولديغی وصره
مرقومانک کندو خانه سنه کلوب کتدکلرینی
عبدالمجید ومفتاح وحسین وبشیر وعفیل و دیگر
مفتاح نام بش نفر کسنه لره اثباته مقتدر اولديغی
وقفط مرقومانک مذکور مخزنده نه ییاجقلردن
معلومات المديغنی افاده ایله بوبابده مدخلنی وافاده
سابقه سی انکار ایلش ایسه ده اسامیسی تعداد
ایلدیکی اشخاص مرقومه مرقومان محمد بن علی
الجنی وعبد القادرک خانه مذکوره کتدکلرینی
کورمدکلری کی بونلر کندوزینک طابیدقلری
ادم دخی اولديغی مع القسم بیان ایتلرینه وقضاء
مذکور مفتیسی محمد بوجز واعضاء مجلسدن حاجی
محبوب افندیلر دخی مرقوم فقیه علینک مجلس
دعاوی قضاده اولصورتله سبق ایدن اقرارینی
اخبار ایتلرینه وصا کر مضبطه دن عبدالرحمن وعبد

السلام وعبید الحفیظ دخی مرقوم فقیه علینک
خانه سنده قلب اقیچه و آلت بولندیغنی خبر ویرملرینه
ومرقومان محمد بن علی الجنی وعبد القادر اول
واخر انکارده بولنه رق بولنرک خانه زنده قلب اقیچه
وآله دأر برشی بولندیغنی دخی تحقیقات واقعه دن
اکلاشلسنه نظراً مرقوم فقیه علینک منفرداً قلب
اکیچه اعماله اجتناسار ایلدیکی و مرقومان محمد بن علی
الجنی وعبد القادرک بوبابده بیدخل اولدقلری
تحقق ایتیش اولدیغندن بختله مرقوم فقیه علینک
یوز قرق اوچنجی ماده قانونیه توفیقاً اون سنه
مدتله کورکه قونلسی استشعار و مرقومان محمد
بن علی الجنی وعبد القادرک مکفلاً صالیورلدیکی
اشعار اولمشدر

مدلول اشعاره نظراً مرقوم فقیه علینک خانه سنده
قلب اقیچه ضرب و اعمال ایلدیکی اخبار اولنان
اقراری وقلب اقیچه و آلتک خانه سنده ظهور ایتسی
دلالتی ایله تین ایلدیکنه و ذکر اولنان یوز قرق
اوچنجی ماده قانونیه دولت علیه تداولی نظاماً
مقبول و مقرر اولان التون وکوش مسکوکاته تقایداً
مسکوکات قطع ایدن و ذکر اولنان مسکوکات
مقرره دن اکه وزنه و تیزاب و یاسر آلات وطریق
ایله از چوق التون وکوش اخراج و افراز ایدرک
قیمتیرینی تنقیص ایلان و برسکه بی دها قیمتی اولان
اخر برسکه یرینه سورمک اوزره انک رنکنده
یالیزیان و او مثلاً و ذیوف مسکوکاتک
ممالک محروسه ده تدوانه و یا خود بلاد اجنبیه دن
کلوب ممالک حضرت شاهانه ده دخوانه معین اولان
و قلب سور یحلیکیله مشغول بولنان کیسه ز اون
سندن اکسک اولماق اوزره موقتاً کورکه قونیلور
دیومحرر بولندیغنه بناء مرقوم فقیه علینک بو حکمه
توفیقاً و تاریخ حبسندن اعتباراً امر تشهیری اون
طقوزنجی ماده قانونیه مندرج اصوله بعدالتوفیق
اون سنه مدتله طرابلس غربده کورکه قونلسی

وقدینه اشارت اولنمق اوزره تاریخ حبسنگ بوطرفه
اشعاری و بیدخل اولدقلری اکلاشیلان مرقومان
محمد بن علی الجنی وعبد القادرک دخی قید کفالتدن
چیقارلسی خصوصلرینک ولایت مشارالیه
امر و اشعار بیورلسنه و قلب اقیچه والات و ادواتک
دخی امشالی وجهله حفظ اولنمق اوزره خزینة
خاصه نظارت جلیله سنه کوندرلسنه قرار
ویرلدی

محاکات جزایه دأره سندن ویرلان مضبطه
صورتیدر

مناسر سنجاغنده واقع نکوش قضاسنه تابع قوادار
قریه سنده قلب اقیچه اعمال ایلان کورپریلی قضاسنه
مضاف قوچیلر قریه لی عاشق راشد ایله مزبور
قودار قریه لی سلیمان اغا زاده احمد بک حقلزنده
اجرا قزان تدقیقات نظامیه بی متضمن سلانیک
ولایتک دیوان احکام عدلیه ده وارد اولان ۱۸ صفر
سنه ۱۲۸۹ تاریخی واون بش نومرلی تحریرات
جوابیه سیله دیوان تمیز ولایت و مجلس تمیز لوا
و مجلس دعاوی قضا مضبطه زری واوراق
استنطاقیه محاکات جزایه دأره سنده مطالعه
اولندی

اوراق مذکوره مندرجاتدن سکسان التی سنه سی
تموزینک سکرنجی کونی مومی الیه احمد بکک یدنده
قلب مجیدی چاریکی کورلسی و مذکور مجیدی بی
عاشق راشدک اعمال ایتدیکی استخبار قلمسی
اوزرینه تدقیقات استنطاقیه لدی الابتدار
مرقوم عاشق راشد بوبابده مدخلی انکار ایلش
ایسه ده میرمومی الیه مرقوم عاشق راشد مسافرت
طریقله اقراسندن حاجی اسماعیل اغانک خانه سنده
اقامت ایتکنده اولدیغنی حالده تعلیم هنر و معرفت
ضمنده کندوسنی بالاغفال رسده نام چفته کارینه
کوتوره رک پتره نام کسنه نک خالی بولنان خانه سنده

الیهی بالاغفال برلکنده محل مذکوره کوتوره رک قلب
اکیچه اعمال ایلدقلری احمد بکک اقراری و امارات
مشروحه دلالتیه تین ایلدیکنه و مذکور یوز قرق
اوچنجی ماده قانونیه دولت علیه تداولی نظاماً
مقبول و مقرر اولان التون وکوش مسکوکاته تقایداً
مسکوکات قطع ایدن کیسه اون سندن اکسک
اولماق اوزره موقتاً کورکه قونیلور و قرقبی ماده
قانونیه ده حد دلوغه واصل اولیان مجرم مراهق
بولندیغنی یعنی فعل و عملک نتیجه سی برجرم اوله جغنی
فرق و تمیز ایدرک متعمداً اول جرمی ایشلمش
اولدیغنی صورته اکر جرمی موقت کورک و یا موقت
قلعه بندک یانفی موقت جزازینی موجب جرایمدن
ایسه اصلاح نفس ایچون جرمک مستلزم اولدیغنی
جزا مدتک ربعدن نهایت ثلثی مقداری مدتده ک
حبس اولنور و بش سندن اون سنه ده ک مضبطه
نظارتی الته النور دیو مندرج بولندیغنه مینی مرقوم
عاشق راشدک حکم اوله تطبیقاً و تاریخ حبسی اولان
سکسان یدی سنه سی ربیع الاخرینک اون یدی
کوندن اعتباراً امر تشهیری اون طقوزنجی
ماده ده مندرج اصوله بعدالتوفیق اون سنه مدتله
سلانیکده کورکه قونلسی و مومی الیه احمد بکک
دخی حکم اخیره تطبیقاً و تاریخ مذکور دن اعتباراً
ایکی یچق سنه مدتله حبس اولنورق بش سنه مدتله
دخی مضبطه نظارتی الته التمی خصوصلرینک
ولایت مشارالیه امر و اشعار بیورلسنه
قرار ویرلدی اولبابده امر و فرمان حضرت من له
الامر کدر

محاکات جزایه دأره سندن ویرلان مضبطه نک
صورتیدر

قندیه شهری خارجنده واقع مسکینک محلله لی متوفی
ارنبوطاکی طاهرک یکر می یاشنده کریمه سی نسیبه نک
قاتلی اولان عساکر ضبطیه اونباشیلرندن محله

قرق بش قدر بیاض مجیدی چاریکی اعمال
ایدوب قابلیله برابر کندوسنه ویرمکه الوب بر
دیوار دینه وضع ایلدیکی معرض اقرارده بیان
ایلسنه و پتره نک اوغلی خرستو دخی بابایی چفته
اولدیغنی حالده اکمک المق اوزره دره دن اوطه لرینه
کلدیکنده احمد بک ایله عاشق راشدی اوطه ده
کوردیکی حالده علاج یامقده اولدقلرندن بختله
کندوسنی دفع ایدوب قیوی قبادقلرینی وایکی
ساعت صکره بولنر اوطه دن چیقوب کمتدکارنده
سوندرلش آتش واون کبی یره دوکلش بیاض بر
شی کوردیکی و بقال خرستو ولد استویان دخی احمد
بک ایله عاشق راشدک کلوب کندوسندن بر قیه
آلچی ایله قرق پاره لق سم الفار الدقلرینی و فرونجی
استاوری ده مرقومانک دکانه کلوب بر پارچه آلچی
پیشیروب برزه صاره رق الوب کوتوردکارینی
و تفنگچی ابراهیم قرداشی حسین دخی احمد بک
عاشق راشدک دکانه کلوب تنکه الدقلرینی و جاها
اخبار ایتلرینه واحد بکک بیان ایلدیکی محله ده
کیسه دروننده قرق عدد قلب مجیدی چاریکی
ایله آلات و تنکه و آلچی کبی شیلرک بولنسنه نظراً
مرقوم عاشق راشدک انکاری واهی اوله رق مذکور
مجیدی چاریکارینی اعمال ایتدیکی تحقق ایتیش
و میرمومی الیه ک خود بخود فعل مذکوری ارتکابه
عدم اقتداری حال و قالدن استدلال اولنمسی جهته
کندوسنک عاشق راشد طرفندن بالاغفال فعل
مذکورک اجرا سنده برلکنده بولندردیغنی و جریده
نفوسه بالمراجعه میر مرقومک هنوز اون بش یاشنده
مراهق بولندیغنی اکلاشیل اولدیغندن بختله عاشق
راشدک یوز قرق اوچنجی ماده قانونیه تطبیقاً اون
سنه مدتله کورکه قونلسی واحد بکک دخی قرقبی
ماده موجبجه ایکی یچق سنه مدتله حبس اولنمسی
استشعار قنمشدر
مقاد اشعاره نظراً مرقوم عاشق راشدک میر مومی

مذکورہ چلی نام شخص حقندہ اجرا قلنان
تدقیقات نظامیہ و مرافعہ شرعیہ شامل کرید
ولایتک دیوان احکام عدلیہ و ورودیدن ۲۰ صفر
۲۸۹ تاریخلی والی برنومرولی تحریراتیلہ دیوان
تمیز ولایتدن مصدق مجلس تمیز لوا مضبطہ سی
واعلام شرعی و اوراق استنطاقیہ محاکمات جزائیہ
دائرہ سندہ مطالعہ اولندی

اوراق نظامیہ مآلرندہ سکسان یدی سنہ سی
ربیع الاولینک اون دردنجی کیمہ سی مزبورہ
نسیبہ سی قومشورندن ضبطیہ جانبازاکی محمد
اونباشینک زوجہ سی رشیدہ خانہ سنہ چاغروب
وقوعبولان توسط واغفاللریلہ مرقوم چلی
مزبورہ بی اق طایبہ نام محکمہ خارجندہ واقع وقف
ترلایہ کوتورہ رک بکرینی ازالہ ایتدکدن صکرہ
بجاق ایله ضرب و جرح ایلدیکنی ادعا قلمسی ومعاینہ
ایتدیرلدکدہ مزبورہ نسیبہ نک هنوز بکرینک ازالہ
قلندیغنی قابلہ طرفندن و بوغازینک اطرافیلہ صاغ
اموزی التندہ اوتوز اوچ عدد جرح اولہرق قانک
کثرث جریانیلہ برشی اکل ایدہ مامسندن و یارہ رک
شمسندن ناشی قرق سکر ساعت مرورندہ وفات
ایلدیکنی راپورت ایله طیب طرفندن خبر ویرلسی
اوزرینہ تدقیقات استنطاقیہ لدی الابدار
مرقوم چلی لیلہ مذکورہ قلعہ دروندہ بولنان
حکومت قوناغندہ اولدیغنی و مزبورہ سی هنوز
کورمدیکنی کبی دون و کوملمکندہ کورینان قانک
ایاغندہ بولنان چباندن بولاشدیغنی بیان ایله فضیضہ
مذکورہ اولان مدخل و معلوماتی کلیاً انکار ایتش
ایسہدہ مزبور نسیبہ وفاتندن اول شعوری یرندہ
ایکن مرقوم چلی ایله اولجہ وقوعبولان مکالمہ لری
وجملہ لیلہ مذکورہ ساعت اوچ بچق رادہ رندہ
کلوب کندوسنی قونک اوکندہ بولسبلہ بارضا
تبعیت ایتش و محمد اونباشینک زوجہ سی رشیدہ
اورتیمک اوزرہ بر چارشب ویرمش اولدیغنی کبی

محمد اونباشی دخی لمکی نام محلہ قدر کیدوب عودت
ایتدکدن صکرہ کندوزی مذکور ترلایہ کیدرک اورادہ
مرقوم چلی بکرینی ازالہ ایله جواردہ بولنان لغہ
کوتورہ رک باشی دیزینہ وضع ایله سنی اولدورہ جکم
زیرا بنی چوق رنجیدہ ایلدک دیہ رک قساطورہ سیلہ
جرح ایلدیکنی بیان و تذکار ایتسنہ و مرقوم محمد
اونباشی لیلہ مذکورہدہ ساعت درت رادہ رندہ
مرقوم چلی ایله مزبورہ رک برلکدہ کتدکلرینی
کورمش و اشناق ایتش اولدیغنی و بولنرک یکدیگریہ
محبتی اولسی جہتلہ خاطریہ سؤ حال کلدیکنی
وزوجہ سی دخی اوکیجہ چلی ایله نسیبہ خانہ سنہ
کلہ رک طلبی اوزرینہ مزبورہ بر چارشب ویردیکنی
اول صرہدہ چلی ایله زوجی محمد قونشیش ایسہ رندہ
نہ سوبلدکلرینہ معلوماتی اولدیغنی و محلہ مذکورہ
ولیدانکی اسماعیل دخی چلی ایله محمد اونباشینک
قونشقدہ اولدکلرینی کوردیکنی مع الحلف اخبار
ایتلرینہ و نفرات ضبطیہ دن حسین لیلہ مذکورہدہ
حکومت قوناغنی قیوسندہ نوبتی اولدیغنی حالہ
مرقوم چلیینک ساعت سکر رادہ رندہ خارجدن
قوناغہ کلدیکنی و نفرات مرقومہ دن عبدالجلیل دخی
مرقوم چلی بی وقت مذکورہدہ البسہ سیلہ قفوشہ
کیررکن کوردیکنی کذلک مع القسم خبر ویرملرینہ
و محلہ مزبورہ فی نکاتو ابراہیم دخی نسیبہ نک
خانہ سی چلیینک خانہ سنک قارشوسندہ اولدیغنی
جہتلہ وقعہ دن اون کون اول بولنرک یکدیگریہ
اللریلہ اشارت ایلدکلرینی کورمش اولدیغنی اخبار
ویکی قیو محلہ لی فاطمہ دخی لیلہ مذکورہدہ
سوقاقدہ کیم اولدیغنی فرق و تشخیص ایدہ مدیکنی
ادملردن برینسک رسبونی کیدوب الاجم رضا
کوسترمز ایسہ اولدورہ جکم دیش اولدیغنی افادہ
ایدوب بو سوزی امینہ نام خاتون طرفندن دخی
تصدیق و تذکار قلمسنہ و مجلس تمیز اعضاسندن
(بقیہ سی صکرہ)